



信678.09  
867.2  
12





閻潛邱先生年譜卷二

郡後學平定張穆編

十二年癸丑三十八歲

道古堂集未幾出游鞏昌與陳秀才子壽

子壽名祺芳常熟人

昭文新志祺芳有聲諸生中游刃齋芝麓之門客游徧天下所交皆一時勝流著有韻庵鷗波等集釋地憶亡友陳祺芳子壽之言天下事莫難於讀書莫奇於用兵餘俱平且易耳又雜興詩注余知子壽自蔣子荆名從都門歸始案荆名各楷山陽人毛西河所稱杜陵蔣楷者即其人也馮山公康熙丁丑有和荆名七十醉吟詩據之一夕共成七言絕句百首則荆名長潛邱八歲也

名曰隴右倡和詩長汀黎副使士宏為之序 士宏

託素齋集

土宏字媿曾

序略曰癸丑臘盡趙子石寅自皋

蘭渡河策蹇衝雪走一千五百里訪余於張掖記與

石寅別於劍津已二十有二年相見道故舊慰問勞

苦外曾不數語石寅即自稱於鞏昌陳階六少參所

得交兩詩人一為陳君子壽一為閻君百詩子壽蒼

髯道貌故錢虞山高弟百詩年甚少博極羣書逆數

周秦如在眉睫兩君日坐老屋頽簷以詩角險真若

大將將十萬師分壇據壘無敢勝負壁觀者無不驚

駭失魂魄當石寅述兩詩人時手揮色動鬚髯戟張

余即不識兩詩人而兩詩人精神意氣聽石寅言若

或見之矣又云陳先生苦宦蕭然不足為賓客謀懼

黃羊濁酒兩詩人何所愉快而終日擁被含毫真若

有萬不可已之事屬稿連篇至一二千言不止云云

案釋序意知無一夕成絕句百首之事淮安府志陳

台孫山陽人崇禎十三年庚辰進士授富陽知縣調

平湖人國朝授戶科給事中陞禮科轉福建糧餉

道參議補陝西分守隴右道參議秋濤案甘肅通

志職官分巡隴右道陳台孫江南人不著在任年月

其前二人亦無年月其前之第三人乃康熙十年任

之後十四年之前緣十三年經王輔臣之亂冊籍殘

闕故通志亦不能詳也穆案茶餘客話京城南舊

有龍爪槐僧言三百年前物前輩詩文集不多見

徐電發菊莊詞載白門紀伯紫云壬子季夏僕與合  
肥龔宗伯山陽陳黃門階六同飲龍爪槐下填詞此  
地亦名流履齒所常到也云云據之則十一年六月  
階六尚在京師泣任鞏昌當在子丑之交也階六又  
號楚州酒人見杜于皇贈階六七十壽序及愚山酬  
陳黃門詩注割記有得酒人消息詩起句云側身西  
望意甯只為君來蓋在西游發軔之初也又案石寅  
名琳割記與馮圃芝書亡友趙石寅善論詩尤好指  
摘以供談柄又釋地登泰山條亡友趙石寅誦其亡  
友滿之章巽元一絕云石寅巽元俱萊州掖縣人  
穆於丙午春在子貞同年處晤掖人張士保畫師訊  
石寅有著作否士保曰有詩集未刻因屬為寫其詞  
齋偶存諸艸來皆五七律淺率不入格有入秦訪  
黎媿曾先生塗中漫興七律十二首無與潛邱相關  
之作也士保云家藏有潛邱手札異日歸檢獲并以  
相贈又云父老傳言潛邱曾至掖館於掖西門外滿  
巽元之淇園余案潛邱至掖更無可攷惟疏證卷六  
下有一條云質以余足之所蹈目之所擊今歷城縣

北有大小二清河云云若僅南北孔道見大清河不  
及見小清河此或往來萊州時所經涉歟 秋濤案  
釋地引滿巽元解狐貉之厚以居即居吾語 案參  
女之居此潛邱與巽元曾經晤談之一證

議箸有鷄笑堂移寓詩曰鷄笑堂開鎮日閒自注堂

為少參階六先生靜攝處 茶餘客話陳階六鷄笑齋  
在南市橋案此淮上之齋

蓋即用鞏昌  
署中舊名 有溫玉亭移寓詩曰溫玉孤亭更在東

秦風畱得楚人風自注亭為京山李本甯宗伯出宦

時所構又一首注曰亭別有額曰聽松余欲取杜老

語易為論松屬子壽書之又石霞舉時亦客少參所

移寓詩曰故鄉人忽異鄉逢誰道鴻泥有定蹤坐久

晝移魚鑰動輪君獨聽曉天鐘自注謂霞舉所居西  
偏與僧寺近又一首注曰霞舉所居爲子壽舊寓暇

日同過見壁有畫石淋漓飛動 釋地余昔往來洪

洞見道有豐碑曰皋陶故里側有祠及墓雖躬拜祠

下心殊不以爲然 又絳在太平縣之南絳州之北

土人至今呼故晉城遺址宛然余嘗往觀 案此條又見劄記云

余親歷其地方悟從前說盡錯新田括地志在絳州曲沃縣南二里

余亦往觀土人呼王官城距晉城五十里曾告之黃

儀子鴻 子鴻常熟人漢學師承記子鴻篤信古學於經史中地理及各家輿地書靡不究心謂班

書地志所載諸川第言其所出所入而中間經歷之地不可得聞惟水經注備著之然非續圖讀者不能了然於心目乃反覆尋玩每水各爲一圖如某水出某縣向某方流逕某縣某方至某縣合某水某縣入某水無一不具閤若璩見之不忍釋手歎曰酈道元千古以下第一知己也 趙一清水經注釋參校諸本標目崑山黃子鴻會依酈注每水各寫一圖兩岸翼帶諸小水精細絕倫參伍錯綜各得其理割正渭水篇胡渭禹貢錐指從之辨誤今是書歸於新城王氏池北書庫穆案子鴻所續水經圖既不知沈劄何所陸清獻日記稱嘗借其所訂晉地理志閱之今亦未見傳本精神所萃必不遂歸泯滅呈露何日歧子望 疏證 卷六 通鑒智伯言今乃知水可亡人國以汾水可以灌安邑絳水可以灌平陽也余嘗往來於平陽夏縣而悟通鑒二語具爲妙解 又余曾客朝

邑數日覺其治基頗高乃置諸彊梁原之上說者謂

原卽荆山北麓 困學紀聞箋案鑄工安民李仁父

長編作李姓非余親至西安碑林中辨之 疏證卷六

下岐山在今岐山縣東北十里縣在鳳翔府東五十

里余所舊游處 又岍山在隴山西四十里余所舊

游 移寓詩秦晉重姻地亦連爲尋遺跡著吟鞭涇

源佛峽皆天險望裏猶愁嶽頂蓮自注涇水源出六

盤山金佛峽在華亭 疏證卷六 元和志嶓冢山在

秦州上邽縣西南五十八里漾水所出此班志誤認

禹貢之嶓冢山今一名分水嶺余曾至秦州此山下

山不甚高而峯岫延長連屬若邱冢問其土人寧羌

州此山若何愕然曰從金牛驛北望見嶓冢山峩然

雲表豈做地所能作其兒孫乎但水亦微細自西東

流卽所謂嶓冢導漾者水纔濫觴合五丁峽水東流

爲沔其流始大此地則水出嶺時爲南流與東不合

耳余心識之以爲負薪能談王道 疏證卷六 漢志

言朱圉在天水郡冀縣余曾親經其山在今鞏昌府

伏羌縣西南三十里山色帶紅石勒四大字曰禹奠

朱圉當日道中雜詠有丹嶂含朝景之句即指此又

卷六朱圉山向所登陟者山最小元和志所謂朱圉

山在伏羌縣西南最合又曰秦漢冀縣故城在今縣

南五十步余所目覩禹貢雖指朱圉諸家互異說者

門等山皆朱圉之隨地異名者也百詩謂余曰據漢

志山在梧中聚夫一聚可容則其址不甚廣安有如

上所云云者吾嘗親經其山在今伏羌縣西南疏

三十里山色帶紅石勒四大字曰禹奠朱圉

證卷五畢陌在渭水之北癸丑秋曾經過其地 劄

記唐有永樂縣併入蒲州今為永樂鎮讀漁洋山人

集知李義山玉溪在焉慨然作一首自注余癸丑冬

欲游永樂鎮未果 疏證卷六余嘗往來封邱原武

陽武閒問其土人濟水何在曰亡矣案其故牒皆以

為大河既決其湮也久矣 又余登濬縣東南二里

大伾山臣瓚所謂黎陽縣山臨河者覽其形實再重

劄記有贈倪六通詩題下注云海州人官儀封令

案釋詩意是親至儀封官署不同遙贈核以潛邱生

平行蹤蓋亦癸丑東歸時事也詩未有擬尋九日醉

高臺之句蓋回溯已事過儀封時已交冬令矣六通

名長犀康熙戊戌進士海州志稱長犀官儀封時張

伯行方居貧為縣吏夜讀書科房中長犀聞而異之

召與語奇其才乃館而教之後官江南巡撫為名臣

人服疏證卷八鄒平馬公驩字宛斯當代之學者也



司李淮郡後改任靈璧令余以癸丑東歸今刻本作已丑案靈

璧縣志馬驥以康熙八年任池北偶談云宛斯即是以是年之冬卒官矣靈璧志又云驥博極羣書著作甚富公退即張鏡升閣手校心維申且不寐積勞成疾卒官士民過其署中秉燭縱談因及尚書有今文古文之別為具述先儒緒言公不覺首肯命隸急取尚書

以來既至一白文一蔡傳置蔡傳於余前曰子閱此吾當為子射覆之自閱白文首指堯典曰此必今文

至大禹謨便冒蹙曰中多排語不類今文體恐是古文歷數以至卷終孰為今文孰為古文無不立驗因

拊髀歎息曰若非先儒絕識疑論及此我等安能夢

及然猶幸有先儒之疑而我輩尙能信及恐世之不

能信及者又比比矣復再三慨歎余曰公著釋史引

及尙書處不可不分標出今文古文公曰然今釋史

有今文古文之名者自余之言始也案今行釋史本更無今文古文

之別 秋濤案今釋史卷首李清序實作於康熙九年庚戌仲春其劄劄當亦在是時宛斯以八年任靈璧令蓋甫官邑令即以付梓也中所引尙書惟舜典篇首二十八字下注云今文無此二十八字餘皆不注今文古文則此為未改定之本無疑潛邱明言今本釋史有今文古文之分是改定之本潛邱嘗見之乃今日反罕觀者案分甘餘話云康熙四十六年聖駕南巡至蘇州一日垂問故靈璧知縣馬驥

所著釋史命大學士張玉書物色原版明年四月令  
人齋白金二百兩至本籍鄒平縣購版進入內府人  
閒無從見之矣是改定之本藏於內府所以不著也

疏證卷六 磬石山今在

鳳陽府宿州靈璧縣北七十里馬公驢云又葛嶧山  
在今邳州西北六里余以劉昭葛嶧山注山出名桐  
伏潛北征記曰今槃根往往而存證禹貢當在此抑  
曾親至其地云

十三年甲寅三十九歲

是年九月初六日母丁孺人卒 魏叔子閻氏本支  
敘修齡子若璩好學能文章比喪母蔬食三年服既

闕哀其母不忍其父之獨處也不入內而臥起於父  
者又一年父諭之十反不肯去

山陽詩徵載牛叟先生自題斷弦圖詩云金徽欲拭  
意先孤不待冰弦絕也無惆悵臨風雙撒手懷人只  
爲賞音殊

十四年乙卯四十歲

劄記題詞愚年四十甫敢出臆見集眾聞用纂一帙  
以示兒輩 夏成孟子自齊至魯初解

有贈超宗丈詩五十高常侍君尤老十年案超宗長

先生二十歲知系此年作

十五年丙辰四十一歲

生日展期啟憶先君子六十初度

自注康熙丙辰時重陽後一日也

妻喪已除而予小子母喪纔踰大祥之四日先一月

姻友有謀來祝者先君子聞之頻顛進小子而命之

曰禮經父必三年然後娶達子之志也然則吾不可

聽子易其服以稱吾觴以忘汝母其展期一年古有

展重陽吾獨不可展生辰哉越明年八月寧都魏叔

子在揚州以文來祝稱其達禮且以江西及嶺南俗

皆然為徵蓋前十之年必加一而成後十之年必從

一而生大易貞元之義也在淮實自先君子始 劄

記有聞楊公西狩督學秦中遙有此寄之作關中秋

色滿君忽動華鏢士莫輕捫蝨文尤重射雕積兵連

二岳麾羽隔三橋不乏貂瑜贈何由慰寂寥

清祕述聞陝甘

提學道楊西狩字華觀江西進賢人順治壬辰進士康熙十五年任

施愚山是年有寄閣牛叟詩

詩曰山月多清暉江淮同照曜洵美思公子潔

身棲海嶠長吟枚叔里時把任生釣歲晏涉橫流中原紛虎豹叢桂還青青重看八公笑 穆藏有愚山

丙辰年詩 手稿一冊

山陽詩徵載牛叟先生丙辰予屆六旬再和李河濱

志感詩

元注三首錄一

耆齡無碩望德薄媿如何入世年空

大傷心事漸多冰弦前歲斷塵鏡幾時磨恨少齊眉案莊盆不忍歌

十六年丁巳四十二歲

魏昭士閭再彭七十序閻氏祖孫三世以詩古文名江淮閒歲丁巳寧都魏世倣客京口再彭先生就吾仲父於廣陵未見倣手書扇面以寄斯時倣年二十有三先生見其所作文而謬以爲可學也心竊感焉

乞言小奏家君以丙辰季秋晉六十戒闈人毋納祝者詞據時未敢遽請今年丁巳九月十日復值初度據先期進曰大人昨歲有成言今其時矣乞俯徇輿情以展菽水之歡幸甚家君始而戚旣而蹶然曰余何能違俗汝不記丁未九月爲二人稱觴時乎余年五十一汝母年五十同在是月上旬此有往例汝今不逮事汝母獨余蕭蕭白髮其何以爲情況今之月猶昔之月也存沒異視將奚取必也同稱庶愜老懷據退而自維家君之思據之思也微家君言據詎

敢忘敬銜命拜懇先生願賜一言進之堂上以慰嚴訓以闡慈徽仁孝之感料大君子所不拒者用陳梗概以告於下執事

陳其年集有壽閻再彭六十一序淮安閻再彭先生

者吾友百詩徵士之府君也

案先生時尙未膺鴻詞之薦徵士之稱蓋系後

來刻集時追改

魏叔子閻再彭六十序淮安閻子再彭壽六十有一

子若璩聞寧都魏禧來廣陵奉書幣乞言以佐觴又

閻氏本文敘歲丁巳禧客揚州閻君再彭修齡自淮

安奉其本支錄謁禧為敘又曰修齡修內行篤念先

祖惇敘二宗年六十寒暑考證繕寫不賈其勞 冬

成孟子自齊葬魯後解

割記鏡月歸余以先朝典故數事送難於令兄映碧

先生先生以為聞所未聞有僑札之譽感賦一律敬

寄垂白李昭陽經秋忽報章焚餘周石鼓劫後漢靈

光道大甯從闕知深轉覺傷何年荀氏子御罷更登

堂

秋濤案興化李灑字鏡月文定公春芳四世孫也康熙乙酉舉人著惇好堂集映碧先生名清崇禎

辛未進士鄞縣知縣南都時官御史上疏請追卹建文時殉難諸臣得子祠諡福王敗歸里不仕順治九

年曾爲馬駟御序釋史康熙辛亥年七十魏叔子作  
壽序戊午八十朱錫鬯爲作壽詩湯潛庵集有贈李  
映碧先生詩則在戊午後矣疏證卷四論代宗卽世  
宗嘗私誦明旣有世宗矣而宏光朝又上景帝號曰  
代宗不重出乎意牧齋宗伯掌邦禮或不應至此詒  
書興化李公清問之公復書曰此當日出顧瑞屏手  
瑞屏時文名家未諳舊典宜來吾子之譏耳老夫耄  
矣幸及未死得聞高論其虛懷如此洵有前輩風範  
云卽此詩本事也穆案此事又見劄記與陶紫司書  
不得其年以劄記書首有憶家居時云云故系之未  
應大科之前又案亭林餘集廟諡議臣聞當日南京  
新立邦禮繁多禮部尙書顧錫疇素不攷古一切諡  
號悉聽其門人謝復元撰定以不學之宗伯任委巷  
之小夫逞其胸臆目無旁人以至諡冊一頒天下用  
爲譏笑云云較  
李公之言尤備

是年邵提學嘉允

浙江人乙未進士

歲考閩詠入山陽學第

五名首題地道敏樹次題今人乍見孺子將入於井  
非商籍矣

十七年戊午四十三歲

正月有

詔開博學鴻儒科中外官各舉所知徵詣

闕下十月

命人月給俸銀三兩米三斗至考試後停止

劄記有與劉超宗書云見開送單有仁和吳志伊

詳顧

深快人意作字與季貞云安得將杜于皇濬閩古

古爾梅周茂三容

茂三亦作鄧山明諸生善書工畫

孟贈周太望先生序茂山曰吾父服貧積學知天下

將亂抱道絜身所以教兒子輩者不嘖嘖於縷組出

宅而余裂冠為浮屠放形方外為里人所匿笑實以

承權耳云云寧波府志容性斲弛不羈御史戴殿臣

一見賞契由是著名後殿臣避跡天童海寇掠之去

容即倉皇奔赴以身質之殿臣得返而容代受刑梏

足為之跛乘閒竊歸屈翁山大均翁山事蹟詳顧譜

乃從橫於詩古文詞

愛太史公藏之名山之例此疏證第四卷成

時別錄四本一寄賓羅浮山應屈大均之請

宸英西溟別號湛園慈谿人鮎琦亭集湛園先生墓

表聖祖仁皇帝畱心文學先生之名早

達宸聽一日問侍臣曰聞江南有三布衣尚

未仕邪三布衣者秀水朱先生竹垞無錫嚴先生藕

漁及先生也又嘗呼先生之字曰姜西溟古文當今

作者會徵博學鴻儒掌院學士崑山葉公與長洲韓

公相約連名上薦而葉公適以

波月既出則已無及矣於是三布衣者取其二而先

生不與彭躬庵士望躬庵字公安寧都人著有恥邱邦

士維屏寧都人亦易堂九子之一魏叔子姊夫也名

為文非經邦士點顧景范祖禹漢學師承記祖禹無

定不敢以示人

鈞清渡依范九鼎後居膠山黃守中家人稱宛溪先

生著方輿紀要百二十卷魏叔子序曰據正史考訂

地理於山川形勢險易古今用兵戰守攻取成敗得

失之迹皆有折衷雖荒僻幽仄之地一一如目見

疏證卷六下景范地志之學蓋出於家尊

人耕石先生名柔謙字剛中著山居贅論

案超宗名埕山陽人康熙中歲貢生官青陽訓導

記與超宗辯難之札最多又有酬超宗文見贈詩結

句云籍戎方共輩自注

超宗正長余二十歲

顧甯人炎武嚴蓀友繩孫

友

蜀譜卷二

粵雅堂叢書

號藕漁無錫人江南通志繩孫以詩古文詞擅名早

乘諸生舉博學鴻儒試日賦一詩而出聖祖

特命授檢討異數也在明史館纂隱逸傳彭爰琴桂

容與蘊籍多自道其志行著有秋水集彭爰琴桂

溧陽人著有初蓉閣詩集京口蒼舊集鴻博之薦爰

琴以母疾力辭案國朝詩別裁集選桂夜飲閣再

彭席上聽孫良侯過鼓長顧梁汾貞觀梁汾一字華

歌及荅懷閣再彭七律顧梁汾貞觀峯無錫人明

吏部侍郎憲成曾孫康熙壬子舉人官中書舍人著

有積書巖集顧震滄云貞觀幼有異才能詩尤工樂

府少與吳江吳兆騫齊名年二十餘游京師題詩寺

壁云落葉滿天聲似兩鄉關何事不成眠魏柏鄉見

之即日過訪一輩數十人盡登啟事齊集金馬門真

名遂大起

**可賀野無遺賢矣**

**劄記有奉贈邱曙戒先生詩輕命嘗思倚北欄君虞**

**何地有彈冠雲山故國初傳信涕淚新知舊憶歡瓊**

**海謫來香案吏金臺徙處法曹官最憐詩律兼刑律**

**慘淡能令豪髮安**馮山公邱公曙戒傳公名象升字

曙戒淮安山陽人舉順治甲午乙

未成進士入翰林己亥進侍讀庚子三月以才堪外

用出判瓊州戊午入補大理寺左寺副案己未詞科

錄鶴徵錄皆不載保薦潛邱之人以此詩推之潛邱

蓋邱公所薦也是年潛邱仍回山西應鄉試故有雲

山故國之句邱公為大

理多所平反故有結句

**是年先生當回太原應鄉試闈題抑為之不厭至不**

**能學也惟天下至誠為能盡其性禹思天下有溺者**

**一節**



疏證卷八余戊午應薦至京師崑山顧炎武甯人時在

富平有自富平來傳其新論者云云案此蓋天生應薦至京述亭林

之言如此天生事蹟詳顧譜劄記與李天生書十年仰止昨始

得晤於傅舍親寓案傅謂青主先生行述十七年應鴻詞

制科日與傅山人青主游處劄記有與傅青主二丈書曰昨座上客有云世

傳關壯繆生於靈帝戊午日月時竝同案通鑒目錄此年五月己卯朔無戊午日此札當在應制科時也

而反覆辯論則李天生檢討汪鈍翁編修為多劄

記余戊午己未閒在京師見汪茗文繆封公墓志案封

公為修撰繆彤父慧隆字蘇書載及高祖謂之曰古人敘人家世皆

自曾祖以下無及高祖者閒及高祖亦必其名其事

足書非空空僅及其名諱而已云云時茗文怒甚有

代之答者曰家先生本元人余曰近得柳文肅集於

廟市亦自曾祖敘起渠非元人邪後見三刻堯峰文

鈔此篇削去高祖諱某某五字案文載續稿卷廿四曾祖憲祖天秩考國

維無高祖一代此又當為書祖文廣一例耳事又見與汪舟次書舟次名楫

號悔齋休寧人已未召試一等授檢討官至福建布政使有悔齋集淮海英靈集悔齋以檢討奉

命冊封琉球為其國撰孔子廟碑有餽贖卻不受國人建卻金亭志之困學紀聞

箋後序康熙戊午己未閒家大人應博學鴻詞之薦

入都時字內名宿鱗集而家大人以博物洽聞精於考據經史獨爲諸君所推重過從質疑殆無虛日或有問說部書最便觀者誰弟一家大人曰其宋王尙書困學紀聞乎近常熟顧仲恭以演繁露並稱非其倫也由是海內始知尊尙此書 王山史北行日札戊午十一月有答閣百詩書曰三王並封雖舉朝具疏然其中旋轉仍賴首相故北海上書文肅力爭之而其事終寢則文肅之力居多拙作所指蓋謂此耳非謂其上書天子且舉此者借一端以美馮氏亦非

論述當日並封事也不斐之文過蒙畱意一語質定

不厭再三足下有心人真吾師矣

案山史賀馮易齋相國七十壽序有

云萬歷時婁江王文肅以三王並封之議爲眾所不與有上書力爭者文肅引咎自陳云左庶子馮某告臣如此卽公之從伯祖天下所稱爲北海先生者也云云 疏證卷四余雅愛太史公藏之名山之例此疏證第四卷成時別錄四本一寄賓太華山頂友人王宏撰司之 勘記又有與山史書論王紹徽點將錄事當亦在此年 又與劉超宗書向見亡友張季望兄弟手錄欽定逆案云係先生家本家父多致意奉假尊本一錄舍下久有此書今亡之矣云云季望名新棟山陽人順治庚子副榜著有頤庵集

是年有贈何崑孚會稽詩

淮安志何源濬字崑孚山陽人由貢生授建寧府通

判值耿逆背叛家屬盡陷賊中隻身赴浙江請兵陳恢復大計隨大兵進剿賊敗以功授紹興府知府後

改馬湖府陞浙江督糧參政按崑孚子而粟潛邱婿也耿精忠以康熙十三年叛十五年降十六年伏誅此詩當作於初授紹興知府時又第六句云暫對寒

流旅思閒第八句曰聲華明日滿燕山則是十七年潛邱應薦入都時與崑孚同行也

有送張大理雲翼歸省及娶二首竹垞有送張大理雲翼省親泉蘭結婚作編在明年己未案孫豹人戊午七言絕句有贈張又南廷

尉兼送之歸娶詩六首亭林年譜是年冬張又南廷尉承父命來聘往蘭州堅辭之則竹垞此詩乃誤編也

李德受祺堂集有張廷尉又南省親畢迎娶還朝詩以紀之四首自注廷尉外舅為寧夏提督趙

將軍擊之有贈舒漢雯舍人詩結句云倘得恩叨鳳池

上明春恭和早朝詩贈胡又弓學士詩疑亦此年作又弓名簡敬沐陽人順治乙未

進士有酬蔡子構南歸留別諸同學見贈之作首句

云後先同作帝城游結句云笑爾枉將車笠約長才

甯獨滯林邱覈其語意當是此年冬作子構名爾趾山陽人康熙

中歲貢晚官祁門訓導西河集有奉贈蔡二爾趾七古及為其母徐太君八十壽序又曰嶽嶽饒經術風

流四襲吾不流如蔡子構有送陳子度之任太原二首次首有

句云半菽還先多士飢自注時待詔諸公議給食用

按子度名楷時為山西布政司經歷隴右道台孫之子復申舍人之外舅也

有贈陳解人詩莫笑巢由拜馬前今朝徵君尤可憐閩南候火

接天起薊北聘書任壁懸羨子麻衣能感眾經時旌

節得稱賢一身往返萬餘里泣向慈仁老樹邊按解人亦

字解庵己未詞科錄陳學夔字解庵福建侯官人康熙己酉舉人龔焯巢林筆談解庵當耿逆變作抗節首薦應  
詔薦贖云昔長安賣賦洛陽之紙頓貴今全節罵賊睢陽之舌猶存時服未闕郡縣逼迫匍匐赴京籲乞終喪得請歸後授寧陽令遷兵部主事案此詩或作於己未春首

西河兌閣詞序云余游淮時閣子牛叟與丁少君惇

伉儷之好作兌閣十闕索余和余未有以應也閣十

八年余赴

召至京牛叟年六十丁夫人已亡其嗣君百詩重貽書

并幣專使赴長安請和前詞蓋欲以承尊人歡當稱

觴地也余始理其詞對使和去其十闕皆有題依題

演義不自解工拙牛叟知我定有以諒之耳  
秋濤案兌閣十

闕乃牛叟先生悼亡之作此獨以為悼伉儷之好之詞殊不可解然於采菱一闕仍引牛叟原注味其語意其為悼亡明甚西河著作往往往於數行之閒而自相矛盾類如此

十八年己未四十四歲

三月初一日

召試諸徵士於太和殿璿璣玉衡賦并四六序省耕

排律二十韻

先生報罷仍寓京師北行日札賀閣牛叟先生壽

序閣子百詩今之所謂博學君子也應

詔入都與余數相往來已未春乞子言爲其尊人牛叟

先生壽而以先生之命將於稱觴之日並追饗其母

丁孺人時先生年六十有三矣初度之辰在九月十

日先是友人魏君冰叔李君子德既各有作云云

德作未見又與閣百詩札曰承命爲尊君先生壽文竊以

哀樂不並用古之訓也誠如此卽有以得乎尊君之

心而恐難乎其爲吾子之色若漆園吏之說固不敢

爲尊君道而吾子孝思無已將欲爲終身之喪焉夫

固有太夫人之忌日在矣又書壽序後曰余爲賀牛

叟先生壽序成寄之淮上先生曰休矣吾昔者有餘

哀將慰吾子稱觴之情而不忘吾偕老之盟故有是

舉也豈今復爾邪於是百詩札來告余以故余乃謝

曰此余之所謂得閒而有請者然而疏矣是余之過

也而先生之行則何其典而中乎昔余在淮上得交

萬年少邱如磐輩今於燕臺復識百詩質疑問難有

朋友之樂焉顧獨恨未獲從先生游也云云又與百

詩書曰前讀乞言引謂今復舉斯禮焉遂爾下筆今

接來札爽然自失如命復作數語書於後亦可見吾輩相與之誼其不敢苟如此 疏證卷二魯詩亡於西

晉近代復出申公培詩說已未在京師一徵君著詩

論多所采獲予為證明之曰班書杜欽傳關雎為歎

康王之后臣瓚曰此魯詩谷永傳閻妻驕扇注以為

魯詩言厲王無道內寵熾盛也禮坊記先君之思以

畜寡人鄭康成注記時尙未得毛傳故用魯詩曰此

衛夫人定姜之詩也劉向列女傳正同蓋向家世魯

詩故句今詩說關雎仍屬太姒燕燕仍莊姜十月之

交仍幽王皆與毛詩合分明是後人襲用毛詩脫誤

如此不待細攻案剗記與宋既庭書承示詩論八篇內及魯申公詩說此出近代偽書之

尤者也云云與疏證所舉一一相符然則此徵君即既庭也剗記有宗安至自興化得既庭消息詩既庭名實穎號湘尹長洲人順治辛卯舉人官興化縣教諭著有老易軒讀書堂玉磬山房等集 又一

徵君自誇家有世本未攜至京師余曰世本朱子時

已失傳據班志凡十五篇見周禮禮記注疏者有作

篇左氏疏者有氏姓篇史記注者有居篇君家本是

如是否然則其偽又不待辨揚子法言有言夫欲售

偽者必假真真之不假偽將安售吾知其立敗爾矣

疏證

卷四

已未留京師富平李因篤天生告予曰晉

用夏正子知之乎予曰然天生曰周天王固許之用也觀定四年啟以夏正疆以戎索可見予曰左氏乃政字非正字卽政與正通然則于伯禽康叔曰皆啟以商政疆以周索魯衛乃又建丑乎周初自亂其正朔也天生語塞

秋濤案天生平日必素持此論潛邱嘗云杜撰故事莫甚於李天生

四庫書目提要云其所謂杜撰故事者今不可考姑存其說可矣竊謂潛邱所說當卽指此類事也

釋地己未余以薦舉留京師久日以論學爲事有以季武子之喪曾點倚其門而歌爲朱子采入集注似

可信來問者余曰此子虛烏有之言也春秋昭公七年季孫宿卒孔子年十七曾點少孔子若干歲未可知然論語敘其坐次於子路則必少九歲以上也可知孔子年十七時子路甫八歲點實不過六歲七歲孩童耳烏得有倚國相之門臨喪而歌之事檀弓多誣莫此爲甚 劄記題益智錄此書刻成之五年余至京師得之長夏無營披閱一過惜未及刊其誤遠寄兒輩爲我置眷西堂潛邱老人記或問余子年四十四何得稱老余曰杜詩昭代將垂白途窮乃叫閭

時年正四十已云爾矣又記案牛叟先生時尙存此語不可爲典要

與徐勝力書昨過談偶及季悼子未執政蓋死於武

子手故經未書其卒先生盛氣欲辯已而中止弟不

覺匿笑得毋見弟在失意中少寬假然此非所論於

學問也案此書蓋在大科報罷之後勝力名嘉炎號花隱秀水監生己未

討官至內閣學士與陸翼王書近者三月御試有進三不

如之說於

上前以毀百四十三人者

上意寢衰一時譁然以爲與李林甫表賀野無遺賢無

異翼王事蹟見顧譜

與徐電發書令宗兄勝力先生來談

因及元儒黃澤趙汭之學云云又曰猶憶故山有來

問五十人人物何如者弟荅以吳志伊之博覽徐勝

力之強記可稱雙絕若李天生之杜撰故事汪茗文

之私造典禮恐亦未必有三案與勝力論黃趙之學又見疏證卷八五十人

者大科入選之一等二十人二等三十人也電發名

鈞號拙存又號虹亭晚號楓江漁父吳江人國學生

召試二等授檢討著有南洲艸堂集續本事詩詞苑叢談菊莊詞

是年有王昊廬宮詹招飲話舊一首案李秋錦己未年有贈王昊廬

宮詹詩知此亦同也詳詩意當在未試之前王山史北行日札己未年有答王昊廬太史東曰承手教



益感垂注之殷然宏撰衰病伏跡不能與於燕飲久矣敢固以辭案即潛邸良年賦詩話舊之會也 吳

盧名澤宏字涓來黃岡人順治乙未進士官至禮部尚書 **有寄贈高澹人舍人**

**詩** 澹人名士奇號江村錢唐人以 **御試鍾王**

文恪 隨輦集省耕詩序康熙十七年三月初一日 **御試博學鴻詞科於太和殿命臣英臣士奇**

臣訥在大內南書房賦案舍人於明年庚申擢官侍講此仍稱舍人則必己未年事也 柳南隨筆學鴻

熙丁巳戊午閒入賞得官者甚眾繼復薦舉博學鴻儒於是隱逸之士亦爭趨輦轂惟恐不與四明姜西

溟有詩云北闕已成輸粟尉西山猶貢采薇人時以爲實錄今案潛邸詩云朝飲新豐酒未殘驚開捷徑

五雲端正與西溟同意時潛邸蓋已報罷故有 **聖主應教有夢難之句**結句云一德由來契若蘭

自注懋勤殿有秋蘭舍人獻賦焉案此賦載江邨經進文稿云寄贈者江邨於此年五月扈幸西山潭柘

寺潛邸贈詩當即在此時也

**有偶讀唐人李郢登第後爲妻作**

**生日寄意詩戲簡毅文一首題下自注重陽前一日**

**爲毅文內子初度毅文有詩寄內** 案毅文名鴻烈號涇源山陽人由廩

監生己未等授檢討知系此年作 **又有九日和張毅文即席**

**韻一首和毅文移寓待尊甫吏部公來京之作一首**

毅文尊甫名新標字鞠存順治己丑進士又題下注曰嵇杭州其外舅也亦將至案淮安志嵇宗孟字子

震安東人崇禎丙子舉人國初官杭州府知府己未與鞠存吏部俱以鴻博徵故潛邸贈舒舍人詩有

句云漸聽故人蒲轂轉自注謂嵇張兩公時兩公俱以老病辭不就試故至九月始來京也 **又口**

**占贈毅文一首結句云爾從家學孺染久射策金門**

恩拜偏

竹垞集是年有酬閻某詩曰烈火燔帝竹秦鏡忽以  
淪番番濟南安後死耄而勤腹笥傳少女齒落餘空  
齧掌故潁川來何由聽其真所怪歐陽疑義默不  
申金絲魯宮響蝌蚪蟠輪囷俄遭巫蠱發竹簡迹久  
湮梅生千載後一一紛羅陳其餘航頭字拮據亦有  
因譬若完衣裳安用重補紉文從義艱晦體殊絕蹤  
塵孔書既咸在謨誥恆鮮新何人正今偽去險歸溫  
純此義誠難知疑者頗相循閻生并州彥徙宅清淮

潛昨年應詔至旅食春明春小心對縫掖餘勇刺古  
人示我一編書其言狂且醇諸家援王吳百氏搜墨  
荀幽室抉窔奧希音辨韶鈞雖爲見者駭猶勝徒咕  
呻吾生嬾述作老矣潛悲辛君非漢井丹經義何紛  
綸况有紈扇詠贈我情彌親客子寓招提不出動盈  
旬春冰玉河裂艸暖波鄰鄰紅杏舒絮條翠嵐壓重  
闔相期出郭游西山恣回巡竝馬騁劇談九皇八八  
民醒卽坐松石醉卽臥花茵 疏證卷五 錫鬯生平  
不敢疑古文見諸贈余詩 又卷八 錫鬯近撰經義

考雖漸為愚見所轉移終不透

十九年庚申四十五歲

錢傳十七年應博學鴻詞科不第在都門與汪編修

琬交汪著五服攷異成先生糾其謬數條略見劄記六與陶紫

司書及陸冰修書紫司名元淳字子師常熟人康熙

戊辰進士廣東昌化縣知縣著有南崖集釋地有與

紫司論太王翦商事秦蒼峴山人陶子師墓志君游

京師徐健庵尚書雅重君為之延譽名日以高而其

同邑翁尚書者亦羨君名延之邸第然君性剛直每

與尚書忤以是尚書轉銜之康熙己未開鴻詞科光

祿何公以君名上君已先期出都門遣騎追君還復

以病告戊辰 殿試讀卷諸公俱歎為奇才以請減

蘇松浮糧語激直抑置二甲時徐公元文為明史館

總裁欲畱君竟歸冰脩名嘉淑海寧人有辛齋遺稿

又與江辰六書承面問鈍翁長子筠卒以幼子穀

詒為之後名之曰權是說也於禮安乎否乎云云辰

六名闔歛縣人貴州貴陽籍康熙癸卯舉人 汪意不

吳蘭次之婿也官解州知州著有河汾集 案困學

懌謂人曰百詩有親在而喋喋言喪禮可乎 紀聞箋

己未庚申在京師與汪鈍翁 先生應之曰王伯厚嘗

論喪禮不合鈍翁詆余云云 云夏侯勝善說禮服謂禮之喪服也蕭望之以禮服

授皇太子則漢世不以喪服為諱也唐之姦臣以凶

事非臣子所宜言去國恤一篇識者非之講經之家

豈可拾其唾餘乎徐尚書乾學因問於經亦有徵乎

案健庵時以贊善領明史館總裁因學紀聞箋徐原

一宮贊曰於史有徵矣於經亦有徵乎君其思之徐

退而思得二事云云宮贊擊節日雖百喙亦不能解矣 先生曰案雜記曾申問

於曾子曰哭父母有常聲乎申曾子次子也檀弓子

張死曾子有母之喪齊衰而往哭之夫孔子歿子張

尚存見於孟子子張死而曾子方喪母則孔子時曾

子母在可知記所載曾子問一篇正其親在時也徐

大歎服 案方望溪有與先生書云昨所論曾子問一篇乃母在時所講可正子瞻所讓於程子之

誤宜筆 即邀至邸延為上客每詩文成必屬裁定合

肥李公天馥亦言詩文不經百詩勘定未可輕易示

人 案湖北時官內閣學士事蹟詳顧譜 劄記有承聞合肥相國以生平文筆非得閻某校定不免謬

誤敬賦一首

山陽詩徵載牛叟先生庚申二月十二日顧種紙朱

二玉程婁東過眷西堂分賦花朝喜晴詩行春虛度

復南回為惜春光共舉杯客至扶筇偏興健狂來縱

酒莫生哀郊原想已紅連樹庭砌從教綠滿苔最喜

花朝晴兆稔稻花香勝百花開

二十年辛酉四十六歲

陸清獻日記辛酉七月初二至常熟會黃子鴻言無

錫顧禹錫字景範有方輿錄最精詳今館於徐健庵

家

穆案清獻蓋初聞宛溪之名故名字書目皆舛采此以著潛邱與宛溪聚合蹤蹟也彭躬庵徐健庵春坊五十壽序庚申八月余在吳江崑山徐子藝初章仲二孝廉遣書使因顧子景范迎余居其家又云公既延武林陸子拒石太倉顧子伊人與共晨夕

欣賞析疑及四方士過從禮之無倦而虞山顧景范不求聞達落落人外惟潛心方輿紀要一書公禮而致之不煩以事聽自纂述更為具艇餼筆札書史以相飲助案拒石名繁昭錢塘布衣伊人名澗亭林族子也

疏證卷五 予畱京師

久遇有從寧古塔來者詢其風土云東去一千里曰

混同江江邊有松樹榆樹枝既枯墮入江為波浪所

激盪不知幾何年化為石可取以為箭鏃榆化者上

松次之西南去六百里曰長白山山顛之陰及黑松

林徧生楛木可取以為矢質堅而直不為燥溼所移

又有鳥曰海東青即隼也予固請得一石弩以歸

事潛邱當是聞之吳漢槎兆騫秋笈集長白山賦信亥步之未跡知禹乘之莫暨自注自山麓至半山皆黑松林互三百餘里不見日月樹根相糾如網地皆深淖馬行七日乃止又賦云人葭抗莖於殿陰良楛挺筴於松陽自注人葭生於殿樹之陰石崖外松林極目其間環生楛矢即肅慎氏矢也渡混同江詩云部餘石弩雄風在地是金源霸業開登西閣詩云半空長白雪極目大荒雲自注長白山在寧古之西高二百餘里夏有積雪與疏證所記語語符合漁洋池北偶談亦記得石弩事曰吳江吳孝廉漢槎以順治十五年流寧古塔二十餘載康熙辛酉歸至京師相見出一石弩其狀如石作紺碧色云出混同江中乃松脂入水年久所結所謂肅慎之矢也又一條云余嘗見吳江吳孝廉漢槎自塞外攜來石弩形如礪石

色如蒸栗云是混同江所產蓋江邊松脂入水所結  
非石也所記與疏證同但語互有詳略耳漢槎之東  
還也由健庵爲之納鏐當與潛邱同客碧山堂則其  
所過爲漢槎無疑又與漢槎同時成寧古塔而爲潛  
邱之執友者尙有方坦庵拱乾然坦庵放歸較早潛  
邱於乙巳過維揚訪之且劄記稱坦庵東還遇家君  
誦拙詩甚多不應於此事轉諱其名而坦庵所著絕  
域紀略亦無一語與疏證之言相應故決知非聞諸  
坦庵矣漢槎入關後客京師不久卽南旋故查初白  
壬戌年有過漢槎禾城寓樓詩漁洋癸亥年有寄漢  
槎之作旋復化去故其子振臣秋筮集跋曰何圖在  
入玉門遠捐館舍然則閩吳相遇卽在辛酉之歲亦  
無疑也

二十一年壬戌四十七歲

行述二十一年客福建

疏證

卷五

余至福建會城

見荷蘭國人之游於市者皆以綵帛纏其足由脛以

上至膝整比異常非似行滕之蓬鬆因想見古者邪

幅之制

秋濤案

皇朝文獻通考及會典荷蘭於順治十三年始入貢道廣東期以八年一貢康熙三年以助剿金門廈門

幣有差許令兩歲一貿易於粵閩二省五年停止兩

歲貿易仍於入貢之年准其互市六年違例由福建

入部議以後飭令由廣東入二十三年助平臺灣二

十五年入貢以粵海道近而險閩海道遠而穩乞仍

改由福建

詔可自後職貢維謹池北偶談云

荷蘭於康熙六年入貢今二十五年臺灣平其王復

遣使入貢云云是臺灣平後貢使入賀自當卽由福

建然是二十五年非二十一年也竊謂荷蘭貢道雖

於二十五年始改而中閩互市助剿闖入之事多在

閩地時時弗絕類皆在海上惟入貢之年始得至會

城二十一年非貢期而潛邱於會城見之者蓋平臺

元

粵雅堂叢書

之前檄諭助剿其國必先有使臣至省垣也嘗舉一事證之康熙三年始檄夾剿金廈而張學禮使琉球記云二年四月抵閩閱視船隻詢舵工所來云有紅毛國進貢請兵船數隻已回畱三隻現泊江上隨往泊所視之云云然則夾剿雖由檄諭實因彼國先來請兵請兵之船至閩境實在夾剿之前一年以是知甲子平臺之役亦必荷蘭先來請兵始檄其夾剿故二十一年得有荷蘭人至會城也臺灣本荷蘭所據鄭氏攘而有之故荷蘭每欲請兵藉摠報復之忿於當日情事極合且平臺後帥臣有臺地必不可棄一疏亦因時議欲將臺地畀荷蘭而發則助剿爲荷蘭所自請斯又灼然可證者

王山史山志壬戌夏予在海州接閱百詩手札云亭

林於春初歿於曲沃

淮山肄雅是年趙宗師崙

山東人戊戌進士

歲考淮安取閣

訓懋入學首題子之武城至而笑次題其事則齊桓

晉文

二十二年癸亥四十八歲

行述客福建方歸司寇公來邀復至京師公家盛賓

客客皆當世魁士而賢重府君逾常等

疏證

卷一按

東坡紀年錄元符三年六月晦無月碇宿大海中勢甚危險起坐四顧所撰易書論語皆以自隨而世未有別本拊之而歎曰天未欲喪是也吾儕必濟已而果然余每歎古人之以著述免患難如此癸亥秋將

北上先四五月閒淨寫此疏證第一卷成六月攜往  
 吳門於二十二日夜半泊武進郭外舟忽覆自分已  
 無生理惟私念曰疏證雖多副本在京師然未若此  
 本為定天其或不欲示後人以璞乎吾當邀東坡例  
 以濟越次日達岸往告吾友陳玉璣賡明賡明喜曰  
 此盛事不可以不記并記於此

玉璣號椒峯武進人  
 康熙丁未進士官中  
 書著有學文堂集王暉今世說椒峯少有大志凡天  
 文地志兵刑禮樂河渠賦役諸大事莫不講求爛熟  
 言之娓娓賓客輻輳應酬旁午以至彈琴投壺嬉戲  
 之樂靡所不為偶有觸發為詩文旬日之間動至盈  
 尺見者遜其才比之劉穆之云己未詞科錄秦瀛案  
 先生家太湖之馬蹟山即夫椒山故以椒峯自號與

邵青門交善所居有樂圃青門用少陵游何將軍山  
 林韻十首寄題 疏證卷八有與武進周叟論召公  
 書事未詳周叟何人 劄記有詩五歸述所見詩評  
 五鄒氏名祇謨號程村順治戊戌進士有遠志齋集  
 亦武進人也 又疏證卷六下有舟過武進飲於一  
 友人家論滕王閣序南昌故郡事未知所謂友人即  
 椒峯否又有舟中讀千寶晉紀兒子詠在側一條越  
 明年余得吳中水利全書一條均不得其年附識於  
 此

陸清獻日記癸亥十一月三十日淮安閣百詩

來會言顧甯人已不在所著音學五書方在刊刻

清案  
 獻於是年服除入京時選得靈壽將赴任也  
 竹垞年譜亦記是年十一月陸公隴其來會

疏證

卷五 余嘗有感南沙熊氏將注春秋先求明麻其明  
 志錄序曰於是問麻於劉仲敬以正諸家之失并列



所課而正之癸亥三載於京師案蓋謂癸亥甲子乙丑此三載在京師也

就吳任臣志伊學麻歸而交秦淵雲九里中益研窮

之久之始得通其術阮太傅疇人傳若璩通時憲及授時法嘗據算術以證古文尚

書之偽其它以步算攷證經義甚多論曰上古積年據史記則託始共和據漢書則斷自武王伐紂至於

夏殷以前荒遠難稽馬班所弗道攷古者存而不論可也詩十月之交朔食辛卯在幽王六年其積算班

班可攷故可以近法推之若嗣征辰弗集於房一節出於昭十七年左傳引夏書其積年不可審知又安

所求其日食與否邪閻君經學名家其於步算蓋餘事耳 劄記有與戴唐器書曰昨同雲九兄游紫極

宮登程知節墓慨想林靈素如昨日呂洞賓不可得遇求掩鶴井亦湮無迹為之低回而不能去又有與

雲九食蟹告以子瞻在揚州以此寄先龍圖公少游詩送雲九還錫山詩疇人傳秦文淵著秦氏七政全

書八冊閻徵君尙書古文疏證往往引秦雲九說未審即一人否也穆案疏證卷六上稱雲九為金壇蔡

仲全 弟子 疏證卷七 癸亥甲子晤吾友胡朏明京師案此閻胡

會合之始 朏明名渭初名渭生號東樵 釋地胡德清人曾祖友信世所稱思泉先生也

朏明客京師余時以書求助於朏明久之方官艸數

條以應中有余百思不到者秋濤案此亦初會時事 劄記與

劉超宗書晚疑俄羅斯國必非羅刹國混為一者京

師貴人不考故也今讀隋書羅刹國在婆利之東其

人極陋朱髮黑身獸牙鷹爪晚親見其國來降人何

曾此等形狀婆利國在東州東南海中洲上去廣州

二月日行屬南蠻不屬東與北也至俄羅斯當另考

以聞案俞君理初俄羅斯佐領考八旗通志旗分志云鑲黃旗滿洲第四參領之第十七佐領係康熙二十二年以尼布綽地方取來鄂羅斯三十一人

及順治五年來歸之伍朗格里康熙七年之宜番等編為半箇佐領後二次又取來俄羅斯七十人遂編

為整佐領案伍朗格里宜番等皆自拔來歸者平定羅刹方略云康熙二十二年四月羅刹殺斐雅喀居

民雷嫚書而去七月甲申瑪拉等送所獲羅刹五人又送二十六人至京四裔考亦云二十二年羅刹之

眾有過黑龍江者降其兵目三十餘人此即通志所言之三十一人方略又言南岱攜至二人則四裔考

遺之又言十一月癸未上諭宜番近授驍騎尉岳噶圖席圖頌及新投誠之吉里戈里岳佛那西

馬克西木俱授七品官其新投誠內之岳佛那西費禮普令馳驛至薩布素處酌遣招撫二十三年正月

薩布素令宜番等往諭即以招撫米海羅等二十一

人送京安插是年七月又獲羅刹一人日費岳多羅送京安插二十四年三月獲羅刹噶瓦力刺等七人

逸去一人五月破雅克薩城巴什里等四十人願降此則通志所言後二次之七十八也七月羅刹又遣

裔番等四人誘我俄羅春被獲旋縱之歸其噶瓦力刺等六人亦於進兵時放之還南岱攜至之二人亦

縱歸計所獲順治五年一人康熙七年宜番等二十二年三十三人二十三年二十四年七十二人而遣

歸者十二人總得羅刹近百人居東直門內胡家園

街衙據之則羅刹降人潛邸蓋於二十二三四年中屢見之也理初未刻稿又有一文辯羅刹俄羅斯異

同云羅刹者紅毛諸番其正名羅刹國者今之俄羅斯其國東北自黑龍江邊外北盡北海西盡西海西

南包額納特珂克外羅刹種人素與佛不合自立天主教其部強盛當佛時羅刹王名阿修羅欺陵佛并

欺陵佛國佛國深畏之遇惡人惡物皆以羅刹名之故有在山羅刹有在海羅刹有飛天羅刹皆假名羅刹而於真羅刹無與也羅刹至今俄羅斯而極大潛

邱劄記言俄羅斯定非羅刹謂長安貴人爲不考閩  
蓋略見佛書不能詳悉且俄羅斯自稱爲羅刹何得  
謂之定非也案理初此辯極明畫其云羅刹者紅毛  
諸番卽隋書之羅刹國惟云閩蓋略見佛書則語近  
誣閩生平不讀佛書復申撰行述曰府君精究儒書  
不談內典是也其時俄羅斯尙阻聲教故止據隋書  
以與長安貴人辯耳俄羅斯卽元史地里志西北附  
錄之阿羅思潛邱亦未攷得也穆於辛丑七月從永  
樂大典畫出元經世大典西北地圖以  
詒魏君默深刻入所輯海國圖志中

### 二十三年甲子四十九歲

是年與黃子鴻初晤於碧山堂

案碧山堂蓋健庵館客之別第查初白康

熙庚辰有同朱悔人劉大山魏禹平錢亮功馮文子  
方靈皋吳山崙汪武曹諸子飲徐尙書碧山堂花下  
詩曰謝公別墅在城濠載酒曾陪飲興豪不料故人  
還客此猶能折柬致吾曹商量未定將歸燕搖落何

堪舊種桃併墮平生知己淚廿年  
塵土一青袍時健庵卒且七年矣

疏證卷八鄞萬斯

同季野將輯古今喪禮通考以喪服記夫之所爲兄

弟服妻降一等質余甲子春寓東海公碧山堂爲說

禮服中夜精思不覺忽得云云時季野寓處頗近不

敢復語之矣

案蓋因駁喪禮雜問不滿於其師餘姚  
黃氏之經學爲季野所不悅也又案萬

氏昆仲八人斯年斯程斯禎斯昌斯選斯大斯備斯  
同皆黎洲弟子也斯選字公擇戴唐器迎館於淮上  
最久季野先生又號石園皆與潛邱交契劄記有喜  
公擇見過詩有哭萬公擇五兄詩二首內有句云充  
宗經作笥季野史成籍充宗斯大字也 結埼亭集  
萬石園先生傳康熙戊午 詔徵博學鴻儒漸  
江巡道許鴻勳以先生薦力辭得免明年開局脩明  
史崑山徐學士元文廷先生往時史局中徵士許以

七品俸稱翰林院纂修官學士欲援其例以授之先生請以布衣參史局不署銜不受俸諸纂修官以稿至皆送先生覆審明史稿五百卷皆經手定雖其後不盡仍先生之舊要其底本足以自爲一書也嘗爲徐侍郎乾學纂讀禮通考百六十卷又以其餘爲喪禮辨疑四卷廟制折衷二卷李厚庵曰吾生平所見不過數子若顧甯人萬李野閣百詩

剗記憶甲子

初夏自碧山堂移徐公健庵寓邸

案健庵是年由侍講學士升詹事府

少詹事夜飲言今日直起居

上云古人有言使功不如使過此語自有出既思不可得又不敢上問柰何余對丙午丁未閒重策論讀宋陳傅良時論有使功不如使過題通篇俱就秦穆公

用孟明發揮應是昔人論此事者作此語第不見出

何書耳公曰博越十五年

案是康熙三十七年戊寅讀唐書李靖

傳高祖謂靖逗留詔斬之許紹爲請而免後率兵八

百破開州蠻冉肇則俘禽五千帝謂左右曰使功不

如使過靖果然謂卽出此又越五年

案是康熙四十四年壬午讀

後漢書獨行傳索盧放諫更始使者勿斬太守曰夫

使功者不如使過章懷太子賢注若秦穆赦孟明而

用之霸西戎乃知全出於此處甚矣學問之無窮而

人尤不可以無年也公凡於余攷據辨析議論輒手

錄成帙署曰碎金以為談助惜此條不及入之也

茶餘

客話盧日堂嘗手輯潛邱緒論一編曰閣氏碎金皆洞庭書局中辨論之事今無傳

釋地初

交何肥瞻年甫二十四歲

案肥瞻生於順治十八年名焯號義門崇明人康熙

癸未 恩賜進士

日與之上下議論一日偶及時文曰吾欲

將有明三百年名家制義凡看題錯用事誤者盡標

出為一帙蓋此乃代聖賢語氣豈有聖賢口中而使

別字用論事者乎因歷數之得數十百條今忽忽十

有八年遺忘殆盡云云

案後十有八年是康熙四十年辛巳也

沈季友樵李詩繫

季友字客子號南疑平湖人康熙丁卯副榜

梅里李氏

多才符與繩遠長年齊名時號三李康熙甲子余在

京師分虎亦館於龔氏

案芝麓卒於康熙十二年此為仁和龔翔麟字蘅圃時官

御史分虎之詞友也

往來唱和月舉一會同賦者晉

江黃虞稷

虞稷字俞邵晉江人流寓江寧徐公肅薦與姜西溟萬貞一同入明史館以諸生食

七品俸著有千頃堂書目楮園集案西溟入明史館在壬戌年俞邵貞一當從同次年癸亥潛邱應健

庵之聘復來京師意即閣黃會合之始矣疏證卷八余讀焦氏筆乘稱家有梅鷺尚書譜五卷專攷古

文之偽將板行之不果求其譜凡十載得於友人黃虞稷家急繕寫以來

大梁周在浚

字雲客樂園侍郎之子

太原閻若璩寧波萬言

言字貞一季野伯兄斯年之子

由副榜貢生豫脩明史

錢塘洪昇

昇字昉思號稗畦以作長生殿傳奇

得篁字林於號鷗塘兄篁嘉興周篁字青士與竹垞為詞友河中吳雯雯字天章

本遼陽人父允升順治乙酉順天舉人逾五年選蒲州學正乙未成進士又明年授臨潁令已前卒天章遂著籍蒲州己未薦舉博學鴻儒不中選著有蓮洋集四庫書提要曰雯天才雄駿有鄉人元好問之遺風遼陽佟世恩武林王嗣槐同里沈奕日案奕日蓋融谷兄弟

行暨我兩人也

魏昭士閭再彭七十序當傲游燕都過淮先生方失適屏賓客聞傲至蹶然出揖之為設酒食兩孫咸侍坐先生為道其令子客燕長孫歸三晉與其先世所以僑居淮上家計興替之由且詢傲父子兄弟家世

及易堂先後輩甚悉酒罷以諸孫相屬語懇款幾令涕下詰朝先生仲孫訓慤拜而言曰王父六十有八矣又二年而七十子適過此願豫乞一言為王父七十壽

是年趙秋谷典試山西長君詠中式第七名舉人清秘

述聞康熙二十三年山西考官編修趙執信字秋谷山東益都人己未進士兵部主事戴璽字爾玉直隸王田人戊戌進士題為命禪謀一節送往迎來三句或勞心至義也

馮山公景南還設教淮安邱季貞家前後凡十年國史

文苑傳馮景浙江錢唐人國子監生康熙十七年游京師授經於侍郎項景瓌家二十三年館侍郎金鼎

家因病南還歸設教於淮安洗馬邱象隨家者十年  
案季貞以廩監生己未 召試鴻博一等授檢討

二十四年乙丑五十歲

李分虎香艸居集有閤百詩人日招集碧山堂時令

嗣復申從山右至詩河東劉墮酒攜到劔門來人日

調蘭膳賓筵勸竹杯真稱賢父子况住好亭臺似此

春盤薦須教盡醉回 案甲子乙丑間分虎皆在京師復申以初正從山右至京必是

中後以公車北上也

割記秀水徐善敬可為人撰春秋地名訖問余成二

年鞍之戰云云 高士奇春秋地名考略序乙丑夏

四月奉

命總裁春秋講義因於纂紀之暇博搜羣書而參考之

云云 四庫書提要春秋地名考略十四卷高士奇

撰據閤若璩潛邱割記稱秀水徐勝敬可云云則實

士奇倩勝代作也 案勝當作善撰提要者蓋誤合勝力敬可為一人 胡拙明易圖明

辨卷五秀水徐善敬可博覽精思無所不通而尤深於易晚著書以發其蘊有天易義易商易周易同縣

朱太史彝尊名其書曰徐氏四易敬可與余厚向在京師出以示余歲庚午與敬可讀書莫釐峯下方且

效一得之愚更訂是書而敬可尋以病歸卒於家案敬可亦與修一統志事竹垞庚午年送徐處士善

南還詩曰玉河新柳已堪攀二月交亭送客還十度洞庭游未足今番真住石公山謂洞庭書局也

劄記荅友人書曰潘公印川治河工成故老傳其要語曰東去只宜開海口西來切莫放周橋此二語平  
平無竒竊恐神禹復生不能易已前之治河者雖勤  
勞十二載專與此二語相反不惟已不開下河見人  
之開必從而撓之俾之去後已周家橋在高堰南四  
十餘里翟壩又在周家橋南二十餘里皆堅築之以  
捍淮東侵者淮不東則淮疆淮疆則黃弱然後由清  
口以達海彼不惟周橋翟壩而已且一帶盡圯之以  
聽其衝溢是以末局雖知建周壩導淮入運河刷沙

運漸深濬然不過暫時策耳豈經久之道哉今惟當  
確遵印川名言廣開海口堅塞周橋斯無事矣或曰  
海不可濬潮汐往來人力難以施工然舊口皆係積  
沙水力自能衝刷故海無可濬之理惟導河以歸之  
海則以水治水導河卽濬海之策也然河非專以人  
力導也欲順其性先懼其溢惟繕治隄防俾無旁決  
則水由地中沙隨水去治隄卽導河之策也或曰海  
高於內水不可下不知江南江北弟曾徧歷凡瀕海  
之地比之腹內特高但濬治倍深無礙乎水之東注



矣案國史新輔傳康熙二十四年上念高

使于成龍蘇州縣湖水利溢民田被淹命安徽按察

卑於海潮五尺疏海口則引潮內侵大不便請自高

郵城東車邏壩築長堤二厯興化白駒場至海口東

所泄之水入海隄內涸出田畝丈量還民其餘田招

民屯墾以抵經費上召輔及成龍進京成龍

力主開濬海口故道輔仍議築長堤時寶應人侍讀

喬萊奏輔議非是乃命尚書薩穆哈等往勘

視尋以開海口無益回奏會江寧巡撫湯斌入為尚

書奏下河宜疏濬上命侍郎孫在豐往董其

事云云先生此書與于湯諸公議合當亦在是年喬

與先生為姨兄弟所見尤應相同故刻記又載示兒

詠及孫學翼學林詩曰一般博學兩詞林死後猶垂

濟物心自注謂喬石林夫亦曰石林之議與己正同

耳喬議見潘次耕所作石林墓志湯文正集有與孫

吧瞻論濬下河事

二十五年丙寅五十一歲

是年健庵以禮部侍郎充一統志會典明史三館總

裁 趙志崑山徐尙書以文章被眷遇領纂修數局

所邀與商略皆天下名士而先生為首周旋累年敬

禮不衰

劄記有送金道州之官馬平兼簡沈融谷來賓詩題

下注追錄丙寅春作案廣西通志職官表康熙二十

知縣二十三年沈皦日浙江平湖人來賓知縣融谷

皦日字也又號茶星平湖貢生與竹垞迎陵為詞友

宰來賓天長歷辰州郡丞高江村有送沈皦日之任

來賓序案人望壬戌已選馬平何以至丙寅春始之

任而通志職官表二十五年馬平知縣又已選朱廷  
銓不可解也淮安府志金人望字道騫安東人康熙  
壬子副榜貢生任長武令升同州知州充己卯鄉試  
同考官副榜入闈自此始晉莊浪同知邊疆巖邑軍  
興旁午肆應略無支詘時親王領軍者褒獎特至尋  
以老病乞休不允遂卒於官案志載人望宰長武以  
後事而不言其曾宰馬平以己卯充鄉試同考官推  
之己卯爲康熙三十八年則是宰馬平後以故去官  
改選得長武也劄記又有題道州魯游艸詩曰地脈  
羣尊岱星文獨重奎又曰校藝分藜火論交半馬蹄  
則道州又嘗聘充山東鄉試同考官惜其年不可考  
矣秋濤案茶餘客話載金道州人望令長武答鈕  
玉樵書一首自敘宰馬平前後事頗詳足補淮安志  
之闕有云君袍方綠我服猶緇縵馬上的鞭巾多  
瑁環私挾懷中之錦會有逢迎是道州應試不偶注  
選而得馬平也又云懼忌我之有人遂易名而去國  
於時江邊舴舻尚插旌旗嶺上烽煙渾如毒霧艱虞  
萬里荏苒三年辱藩侯之招簡竊駢語以飛翰節備

書之辛苦一歲累有千金填在任之逋亡百劫猶留  
殘喘此是去馬平後羈滯湘江始末也又云爰束帶  
而重瞻三殿又極巍峩閭闔之觀下除書而分列五  
方偏處蕭瑟閒關之地潘輿未遂毛檄遣征制邠國  
之一隅當邊垂之三面此則由湖湘復入都注選而  
得長武之始末也阮吾山謂道州題堂柱曰家臨漂  
母千金地人到邠風七月天未幾以受代罍誤去計  
其時止七閩月耳云云跡道州一生宦海浮沈壯懷  
落莫蓋亦不得志之士然志稱其令長武後復官莊  
浪同知則吾山所云詩讖殆專指官長武月日耳

劄記與石企齊書金道州赴任柳州余以故太守

章大力先生成神於彼如羅池廟碑事不可不隆其  
祀孰知道州到日大力夫婦旅櫬四十餘年竟無資  
之葬者道州慨然捐俸且致書撫州太守俾葬二柩

於祖墓之次千古高義令人感泣

案與企齊書又云一好友為河間太

守幕客來辭行弟以河間獻王德祠墓更新為託已力任未詳好友為誰

是年牛叟先生年七十

邵子湘青門簾橐

子湘名長蘅武

進縣人

閻再彭先生七十壽序余友閻百詩尊人再彭

先生今年壽七十誕以九月某日又曰先生生明神

宗之季當是時以貴公子負海內盛名年未及壯遭

離變故絕意仕宦讀書隱居終其身蓋自甲申迄今

四十餘年而先生年亦七十矣百詩以博學名聞於

朝文孫繼登賢書云云又有答閻百詩書曰使者齋

尺函走六百里而索言於僕竊計算公先生壽辰佳

文充棟海內能言之士大略在是矣以拙文廁其閒

寥寥未稱云云又曰傲鄉黃敕公進士有體有用儒

者今日科目中求此種人尤不多得聞今歲授徒淮

陰不可不一相見

有席上贈賈五鉉古詩二首

鉉近刻作鉉案鉉字右旁為聖祖廟諱

字必有譌曝書亭集丙寅年有題賈院判鉉畫荷二絕句嘉興楊謙注鉉字玉萬號可齋臨汾人工竹石及折枝花喜用瘦筆乾墨出守黃州嘗畫竹題識命工人鐫諸石置赤壁疑潛邱贈詩亦即此人五其伯仲之序鉉其名也贈詩何年無從臆度姑從竹垞之例附識丙寅年未以諗知者竹垞丁丑年又有寄賈

黃州鉉詩亦是從之乞畫潛邱二詩更不言其工畫首章曰偉節不西行黨禍終莫解舉世名龍門感恩同覆載誰知千載間此事一而再聞語復見人儼若尚書在欣然倒衣迎盡呼兒女拜恭承道義交永締骨肉愛燈花何燦爛談笑殊相對吾老忽少壯樂哉今夕會釋詩意則鉉亦志節慷慨之士惜不得其本事容更訪之平陽人次章曰吾生著讀書不以老而倦奧篇及隱帙倍文如覲面家藏苦不足假借遭人賤思儻春明居願謝王翁饌忽聞東土司插架十萬卷慙傳自隋唐人間未經見因君達書名繕寫煩郵傳續畱古慧命萬世猶歸善則其收藏之富又可想見長安酒貴宜潛邱之傾倒也

何義門游山陽買得困學紀聞

又紀聞箋何屺瞻告余頃得宋槧本不全

左傳

二十六年丁卯五十二歲

湛園未定稿門酒詩跋丁卯元夕今總憲徐公碧山

堂之讌出所儲酒三十種飲客命客為門酒詩明日

相繼以詩來者若干人又曰時座中皆南人多右南

而左北

案潛邱蓋於前一年歸里為牛叟先生稱觴故座中無北人也健庵以九月升總憲跋當

作於九月後

是年牛叟先生卒 行述二十六年居先祖考憂喪

葬中禮鄉里至今以為法

九月健庵擢左都御史 劄記與劉超宗書孟子喜

而不寐以善人得志當路也今有清議得申一事奉

聞長者以為寢食有味何如臺臣馮瑞進士出身也  
利人所有題一疏為加納官員一體升遷不必用保  
舉部議允行矣垣臣錢晉錫明經也為新總憲所使  
具一疏嚴駁之部議不准行奉

旨著現行事例行蓋允錢而不允馮也一時公論喧騰

人心暢悅此非初出艸廬第一功乎

案所謂新總憲殆即指健庵也

竹垞戊辰年有題錢給事晉錫富春大嶺圖詩楊謙注錢字再亭又案潛邱弟四次入都不得其年以此書推之蓋在卯辰之交也

二十七年戊辰五十三歲

是年健庵充會試總裁即闈中轉刑部尚書出闈就職因張汧事望誤上章乞休准解部務仍領各館總裁三日一直內廷

閩譜卷二

譚瑩玉生覆校

閩譜卷二

五

